



ა(ა)იპ „ტურისტული პროდუქტების განვითარების სააგენტო“

ტურისტული ნიშნულების/დაფების დამზადებისა
და მონტაჟის სახელმწიფო შესყიდვის გამარტივებული
ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

კლასიფიკატორის კოდი: CPV 34990000
მართვისა და კონტროლის, უსაფრთხოების, სასიგნალო და განათების მოწყობილობები

ქ. ბათუმი

28 ივლისი 2016 წელი

სარჩევი

1. ტექნიკური დოკუმენტაცია.....	3 – 4 გვ.
2. სახელმწიფო შესყიდვის შესახებ ხელშეკრულების პროექტი.....	5-11 გვ.
3. დამატებითი ინფორმაცია	12 გვ.
3. დანართი N1- რეკვიზიტები	13 გვ.
4. დანართი N2 - ფასების ცხრილი	14-16 გვ.
5. დანართი N3.....	17 გვ.

ტექნიკური დოკუმენტაცია

1. პრეტენდენტის მიერ სისტემაში ასატვირთი მონაცემები:

- 1.1. რეკვიზიტები – **დანართი N1**–ის შესაბამისად;
- 1.2. ფასების ცხრილი - **დანართი N2** -ის შესაბამისად;
- 1.3. ინფორმაცია საქონლის მიწოდების და საგარანტიო ვადებისა და პირობების შესახებ – **დანართი N3**–ის შესაბამისად
- 1.4. ინფორმაცია პრეტენდენტის მიერ ბოლო 3 წლის განმავლობაში განხორციელებული მინიმუმ 20 000 (ოცი ათასი) ლარის ანალოგიური ან მსგავსი მიწოდების გამოცდილების შესახებ, კერძოდ: პრეტენდენტს უნდა გააჩნდეს საგზაო ნიშნების/დაფების, ტურისტული ნიშნულების დამზადებისა და მონტაჟის გამოცდილება. წარმოდგენილი უნდა იქნას შემსყიდველ ორგანიზაციებთან გაფორმებული ხელშეკრულებების და ხელშეკრულებით გათვალისწინებული ვალდებულებების შესრულების დამადასტურებელი დოკუმენტები (მიღება-ჩაბარების აქტი, ანგარიშ-ფაქტურა ან/და გადახდის/ანგარიშსწორების დამადასტურებელი სხვა დოკუმენტი).

შენიშვნა: მიმწოდებლის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს უფლებამოსილი პირის მიერ ხელმოწერილი და ბეჭედ დასმული (ასეთის არსებობის შემთხვევაში);

2. შესყიდვის ობიექტის დასახელება, ძირითადი მახასიათებლები, ტექნიკური მახასიათებლები, შესრულების ვადები და პირობები.

- 2.1. შესყიდვის ობიექტი: ტურისტული ნიშნულების/დაფების დამზადება და მონტაჟი;
✓ ტურისტული ნიშნულებისა და დაფების მონტაჟის ადგილი: ბათუმის (2 ნიშნული-ბათ. ახალიციხის გზატკეცილზე), ქედის (7 ნიშნული- ბათ. ახალიციხის გზატკეცილზე), შუახევისა (4 ნიშნული -ბათ. ახალიციხის გზატკეცილზე) და ხულოს (21 მანიშნებელი - ძირითადად სოფ. ხიხამირში) მუნიციპალიტეტები.
✓ თითოეული ნიშნულის ფასი არ უნდა აღემატებოდეს 495 (ოთხას ოთხმოცდათხუთმეტი) ლარს.
✓ ტურისტული ნიშნულების/დაფების განთავსების ადგილების ზუსტ ჩამონათვალს დაწვრილებით, კოორდინატებს გამარჯვებულ პრეტენდენტს გადასცემს შემსყიდველი.
✓ ტურისტული ნიშნულების საბეჭდო ვერსიას და მზა დიზაინს გამარჯვებულ პრეტენდენტს გადასცემს შემსყიდველი. ნიშნულების ხამუთების და დამაგრების მექანიზმი შემსყიდველთან შეთანხმებით.
- 2.2. შესყიდვის ობიექტის მოწოდების ვადა და პირობები: ბათუმისა და ქედის ნიშნულების მიწოდება განხორციელდება შემსყიდველის მიერ დიზაინის მიწოდებიდან **10 (ათი)** კალენდარული დღის ვადაში, ხოლო დანარჩენი ნიშნულებისა დიზაინის მიწოდებიდან - **20 (ოცი)** კალენდარული დღის ვადაში.
- 2.3. შესყიდვის ობიექტის მოწოდებას და მონტაჟს მიმწოდებელი უზრუნველყოფს საკუთარი სახსრებით;
- 2.4. ტურისტული ნიშნულები/დაფები უნდა დამზადდეს ერთიან ელექტრონულ სისტემაში, სატენდერო დოკუმენტაციის ველში ატვირთული დანართების ნიმუშებში მითითებული ზომების და მოცულობების შესაბამისად, ასევე, ტურისტული ნიშნულების/დაფების დამზადება-მონტაჟის ფასების ცხრილში მოცემული (ხარჯთაღრიცხვა) ტექნიკური პარამეტრები-ს შესაბამისად.

3. საგარანტიო პირობები

- 3.1. ექსპლუატაციის ნორმების დაცვის შემთხვევაში, ტურისტული ნიშნულებზე/დაფებზე მიმწოდებელი იძლევა გარანტიას, საგარანტიო ვადა შეადგენს მიღება-ჩაბარების აქტის გაფორმებიდან 2 (ორი) წელს, საგარანტიო პერიოდში არ უნდა გახუნდეს და არ უნდა

გადავიდეს ნიშნულების საღებავი/ფერები, კონსტრუქცია უნდა იყოს მდგრადი, შენარჩუნდეს დიზაინის თავდაპირველი სახე სრულყოფილად, მათ შორის შუქამრეკლი არაკალის ხარისხი და ვიზუალური მხარე, აღნიშნული პერიოდის განმავლობაში მიმწოდებელი ვალდებულია შემსყიდველის მოთხოვნიდან, შეტყობინებაში მითითებულ ვადაში საკუთარი სახსრებით უზრუნველყოს დეფექტის/ ხარვეზის / ნაკლის აღმოფხვრა, ან მოწოდებული საქონელი შეცვალოს ახლით. საგარანტიო ვადა ძალაში რჩება ხელშეკრულების მოქმედების ვადის გასვლის შემდეგაც (მიღება-ჩაბარების აქტის გაფორმებიდან 2 წელი).

4. ფასწარმოქმნის ადეკვატურობა.

4.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას, ფასწარმოქმნის ადეკვატურობის დამადასტურებელი ზემოაღნიშნული დოკუმენტ(ებ)ის წარმოდგენა პრეტენდენტის მიერ უნდა განხორციელდეს შემსყიდველის მოთხოვნიდან 3 (სამი) სამუშაო დღის ვადაში.

5. ანგარიშსწორების პირობები:

5.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადისა და შესყიდვის ობიექტის მიწოდებასთან დაკავშირებული ყველა ხარჯის გათვალისწინებით.

5.2 ანგარიშსწორება ფორმა - უნაღდო, ანგარიშსწორება განხორციელდება ეროვნულ ვალუტაში - ლარში.

5.3. ანგარიშსწორება განხორციელდება ეტაპობრივად, ფაქტობრივად მიწოდებული საქონლის შესაბამისად მიღება-ჩაბარების აქტის გაფორმებისა და მიმწოდებლის მიერ შესაბამისი საგადასახადო დოკუმენტაციის წარმოდგენიდან არაუგვიანეს 10 (ათი) სამუშაო დღის განმავლობაში.

6. სატენდერო პირობა

6.1 სატენდერო წინადადების ფასი უნდა მოიცავდეს უნდა მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

7. ზოგადი დებულებები.

7.1. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით.

შენიშვნა: მიმწოდებლის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს უფლებამოსილი პირის მიერ ხელმოწერილი და ბეჭედ დასმული (ასეთის არსებობის შემთხვევაში);

სახელმწიფო შესყიდვის შესახებ ხელშეკრულება №.... (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.)

ხელშეკრულება N

ქ. ბათუმი,

..... 2016 წელი

ერთის მხრივ, ა(ა)იპ „ტურისტული პროდუქტების განვითარების სააგენტო“ (შემდგომში „შემსყიდველი“) წარმოდგენილი სახით და მეორეს მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის, საქართველოს მოქმედი კანონმდებლობისა და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული გამარტივებული ელექტრონული ტენდერის (სატენდერო განცხადება N) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონლის მიწოდებას წინამდებარე ხელშეკრულებით განსაზღვრული პირობების შესაბამისად;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი;
- 1.7. ფასების ცხრილი, ხარჯთაღრიცხვა: „ტურისტული ნიშნულების და საინფორმაციო დაფების, ველოსიპედების სადგომების დამზადება-მონტაჟის ფასების ცხრილი ყველა გადასახადის ჩათვლით, (ხარჯთაღრიცხვა) ტექნიკური პარამეტრები“
- 1.8. „მიწოდების ვადები და პირობები, წარმოსადგენი დოკუმენტაცია“ - მიმწოდებლის მიერ გამარტივებული ელექტრონული ტენდერის ფარგლებში წარმოდგენილი „ინფორმაცია საქონლის მიწოდების ვადებისა და პირობების შესახებ/ მიწოდებისას წარმოსადგენი დოკუმენტაცია“.

2. ხელშეკრულების საგანი

- 2.1 ხელშეკრულების საგანს წარმოადგენს ტურისტული მარშრუტების ნიშნულების/დაფების დამზადება მონტაჟის შესყიდვა პრეტენდენტის მიერ სატენდერო დოკუმენტაციის მიხედვით წარმოდგენილი „ნიშნულების და საინფორმაციო დაფების დამზადება-მონტაჟის ფასების ცხრილი ყველა გადასახადის ჩათვლით, (ხარჯთაღრიცხვა) ტექნიკური პარამეტრები“ შესაბამისად;
- 2.2 კლასიფიკატორის კოდი: CPV 34990000 - მართვისა და კონტროლის, უსაფრთხოების, სასიგნალო და განათების მოწყობილობები
- 2.3 შესყიდვა ხორციელდება ა(ა)იპ „ტურისტული პროდუქტების განვითარების სააგენტო“-ს 2016 წლის შესყიდვების გეგმის შესაბამისად.

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს ---- (-----) ლარს.
- 3.2. ხელშეკრულების საერთო ღირებულება მოიცავს ხელშეკრულებით გათვალისწინებული საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.
- 3.3 შესყიდვის ობიექტის ოდენობა და ერთეულის ფასი მოცემულია ფასების ცხრილში (დანართ N2-ში), რომელიც წარმოადგენს ამ ხელშეკრულების განუყოფელ ნაწილს.

4. შესყიდვის ობიექტის ხარისხი და სტანდარტები

- 4.1. ხელშეკრულების ფარგლებში მიწოდებული საქონელი უნდა შეესაბამებოდეს სტანდარტებსა და ტექნიკურ ნორმებს.
- 4.2 მიმწოდებელი იძლევა ვალდებულებას, რომ მიწოდებული საქონლის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.3. მიმწოდებელი იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში არ გამოავლენს დეფექტს.
- 4.4 მიმწოდებელი ვალდებულია საგარანტიო პერიოდში შეტყობინების მიღებისთანავე განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გარეშე.

5. ხელშეკრულების შესრულების კონტროლი

- 5.1 შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

6. შესყიდვის ობიექტის მიწოდების ვადები, პირობები და ადგილი

- 6.1. შესყიდვის ობიექტის მოწოდება განხორციელდება მიმწოდებლის მიერ წარმოდგენილი სატენდერო წინადადების საფუძველზე.
- 6.2. შესყიდვის ობიექტის მოწოდების ვადა და პირობები: ბათუმისა და ქედის ნიშნულების მიწოდება განხორციელდება შემსყიდველის მიერ დიზაინის მიწოდებიდან 10 (ათი) კალენდარული დღის ვადაში, ხოლო დანარჩენი ნიშნულებისა დიზაინის მიწოდებიდან - 20 (ოცი) კალენდარული დღის ვადაში.
- 6.3. შესყიდვის ობიექტის მოწოდებას და მონტაჟს მიმწოდებელი უზრუნველყოფს საკუთარი სახსრებით, საქონელი მიწოდებულად ჩაითვლება მხარეთა შორის მიღება-ჩაბარების აქტის გაფორმების შემდეგ.

6.4. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება ფაქტიურად მიწოდებული საქონლის შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, შემსყიდველზე გადაფორმებით, მიმწოდებელმა უნდა წარმოადგინოს შესაბამისი საგადასახადო დოკუმენტაცია: (სასაქონლო ზედნადები/საგადასახადო ანგარიშ-ფაქტურა - საჭიროების შემთხვევაში);

7.2. შემსყიდველის მხრიდან საქონლის მიღება-ჩაბარების აქტზე ხელმოწერი პირ(ებ)ია _____

8. ანგარიშსწორება

8.1. ანგარიშსწორების ფორმა – უნაღდო;.

8.2. შემსყიდველი ანგარიშსწორებას ახორციელებს ეტაპობრივად ფაქტობრივად მიწოდებული საქონლის შესაბამისად მხარეთა შორის მიღება-ჩაბარების აქტის გაფორმებისა და მიმწოდებლის მიერ შესაბამისი საგადასახადო დოკუმენტაციის წარმოდგენიდან 10 (ათი) სამუშაო დღის განმავლობაში.

8.3. მიმწოდებელთან ანგარიშსწორება ხორციელდება ეროვნულ ვალუტაში - ლარში.

9. ფასები

9.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

9.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

9.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

9.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 5 კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.

10.3.ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

10.4.ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1 მიმწოდებლის მიერ ხელშეკრულების პირობების შეუსრულებლობის შემთხვევაში შესყიდველს შეუძლია მიიღოს გადაწყვეტილება ხელშეკრულების შეწყვეტის შესახებ.

11.2 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

11.4. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

11.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. გარანტია

12.1. ექსპლოატაციის ნორმების დაცვის შემთხვევაში, ტურისტული ნიშნულებზე/საინფორმაციო დაფებზე მიმწოდებელი იძლევა გარანტიას, საგარანტიო ვადა შეადგენს მიღება-ჩაბარების აქტის გაფორმებიდან 2 (ორი) წელს, საგარანტიო პერიოდში არ უნდა გახუნდეს და არ უნდა გადავიდეს ნიშნულების საღებავი/ფერები, კონსტრუქცია უნდა იყოს მდგრადი, შენარჩუნდეს დიზაინის თავდაპირველი სახე სრულყოფილად, მათ შორის შუქამრეკლი არაკალის ხარისხი და ვიზუალური მხარე, აღნიშნული პერიოდის განმავლობაში მიმწოდებელი ვალდებულია შემსყიდველის მოთხოვნიდან, შეტყობინებაში მითითებულ ვადაში საკუთარი სახსრებით უზრუნველყოს დეფექტის/ ხარვეზის / ნაკლის აღმოფხვრა, ან მოწოდებული საქონელი შეცვალოს ახლით. საგარანტიო ვადა ძალაში რჩება ხელშეკრულების მოქმედების ვადის გასვლის შემდეგაც (მიღება-ჩაბარების აქტის გაფორმებიდან 2 წელი).

12.2. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს, საქართველოში არსებულ წესებსა და ნორმებს და საერთაშორისო სტანდარტებს.

12.3. 12.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

13. უფლებების გადაცემა

13.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

14.სუბკონტრაქტორები

14.1.ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინამდებარე ხელშეკრულების დამატების სახით.

14.2.ამ ხელშეკრულების ფარგლებში დადებული ყველა სუბ-კონტრაქტორის ასლი უნდა წარედგინოს შემსყიდველს.

14.3.ამ ხელშეკრულების ფარგლებში დადებული არცერთი სუბ-კონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15.ხელშეკრულების პირობების შეუსრულებლობა

15.1.წინამდებარე ხელშეკრულებით ნაკისრი ვალდებულებების შეუსრულებლობის ან არასათანადო შესრულების შემთხვევაში, ასევე ხელშეკრულებით ნაკისრი ვალდებულებების შესრულების ვადების გადაცილების შემთხვევაში მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების საერთო ღირებულების 0,02 %-ის ოდენობით.

15.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

15.3.პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

16.ფორს მაჟორი

16.1.ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

16.2.ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3.ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

17.სადაო საკითხების გადაწყვეტა

17.1.შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

17.2.თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

18.გამოყენებული სამართალი

18.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19.ხელშეკრულების ენა

19.1.ხელშეკრულება შედგენილი უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

20.გადასახადები და დაბეგვრა

20.1.უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

20.2.ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

21.სხვა პირობები

21.1.არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

21.2.მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

21.3.ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

21.4.წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას

შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

22. ხელშეკრულების მოქმედების ვადა

22.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2016 წლის 31 დეკემბრის ჩათვლით. ხოლო აღნიშნულ ვადაში ვალდებულების შეუსრულებლობის შემთხვევაში მის სრულ და ჯეროვან შესრულებამდე.

23. მხარეთა იურიდიული მისამართები და რეკვიზიტები

ა(ა)იპ „ტურისტული პროდუქტების განვითარების სააგენტო“-	
მის: ქ. ბათუმი, ფარნავაზ მეფის ქ. №84/86	მისამართი:
საიდენტიფიკაციო კოდი:	საიდენტიფიკაციო კოდი:
	საბანკო რეკვიზიტები:
_____ / _____ / ბ.ა	_____ / _____ / ბ.ა

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ბათუმი, ფარნავაზ მეფის ქუჩა N 84/86. 1-ლი სართული. საკონტაქტო პირები:

ხათუნა სოლომონიძე - 577 75 45 46; ელ-ფოსტა - kh.solomonidze@gmail.com

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტობრივი მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო კოდი:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი

(სახელი და გვარი)

პრეტენდენტის ხელმოწერა _____

ბ.ა

თარიღი:

ტურისტული ნიშნულების დამზადება-მონტაჟის ფასების ცხრილი ყველა გადასახადის ჩათვლით, (ხარჯთაღრიცხვა) ტექნიკური პარამეტრები						
ნიშნულების განთავსების ადგილი : ბათუმი (2 ნიშნული-ბათ. ახალიციხის გზატკეცილზე) , ქედის (7 ნიშნული- ბათ. ახალიციხის გზატკეცილზე), შუახევის (4 ნიშნული -ბათ. ახალიციხის გზატკეცილზე) ხულოს (21 მანიშნებელი - ძირითადად სოფ. ხიხამირში) მუნიციპალიტეტები						
N	საქონლის დასახელება	ტექნიკური მახასიათებლები	ტიპი	რაოდენობა/ ცალი	ერთეულის ფასი (ლარი)	საერთო ღირებულება (ლარი)
1	საგზაო ნიშნული ორ ბოძზე (მანიშნებლის ნიმუში და ზომები იხილეთ დანართი N1)	დაფა: დამზადებული უნდა უყოს არანაკლებ 1.5 მმ მოთუთიებული ნაგლინი ფოლადისგან . ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) . ჩასმული ალუმინის ჩარჩო პროფილში. ბოძი: დამაგრებული უნდა იყოს 2 ბოძზე, უნდა იყოს 3 მ სიგრძის გალვანიზირებული დგარი , D 60 მმ , ხუფით. მილის კედლის სისქე არანაკლებ 2მმ. ბოძს ძირზე უნდა გააჩნდეს ლითონის თათი ბეტონში მყარად ჩასამაგრებლად. ბოძზე დამონტაჟებული უნდა იყოს შუქამრეკლი ფირი. დამაგრება: მანიშნებელს უნდა გააჩნდეს შესაბამისი ზომის ხამუთი და ალუმინის სამაგრი პროფილი ბოძზე დასამაგრებლად (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვერიტოს რომ წინა მხრიდან დიზაინი არ დაზიანდეს) ნიმუშისთვის იხილეთ დანართი N1	2 ბოძზე დამაგრებული 1 მანიშნებელი	12		
2	ორმაგი საგზაო ნიშნული ორ ბოძზე (მანიშნებლის ნიმუში და ზომები იხილეთ დანართი N2)	დაფა: დამზადებული უნდა უყოს არანაკლებ 1.5 მმ მოთუთიებული ნაგლინი ფოლადისგან . ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) . ჩასმული ალუმინის ჩარჩო პროფილში. ბოძი - დამაგრებული უნდა იყოს 2 ბოძზე, უნდა იყოს 3 მ სიგრძის გალვანიზირებული დგარი , D 60 მმ , ხუფით. მილის კედლის სისქე არანაკლებ 2მმ. ბოძს ძირზე უნდა გააჩნდეს ლითონის თათი ბეტონში მყარად ჩასამაგრებლად. ბოძზე დამონტაჟებული უნდა იყოს შუქამრეკლი ფირი. დამაგრება: მანიშნებელს უნდა გააჩნდეს შესაბამისი ზომის ხამუთი და ალუმინის სამაგრი პროფილი ბოძზე დასამაგრებლად (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვერიტოს რომ წინა მხრიდან დიზაინი არ დაზიანდეს.) ნიმუშისთვის იხილეთ დანართი N2	2 ბოძზე დამაგრებული 1 მანიშნებელი (ორმაგი)	2		

3	სამმაგი საგზაო ნიშნული ორ ბოძზე (მანიშნებლის ნიშნული და ზომები იხილეთ დანართი N3)	დაფა: დამზადებული უნდა იყოს არანაკლებ 1.5 მმ მოთუთიებული ნაგლინი ფოლადისგან . ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) . ჩასმული ალუმინის ჩარჩო პროფილში.ბოძი -დამაგრებული უნდა იყოს 2 ბოძზე, უნდა იყოს 3 მ სიგრძის გალვანიზირებული დგარი , D 60 მმ , ხუფით. მილის კედლის სისქე არანაკლებ 2მმ. ბოძს ძირზე უნდა გააჩნდეს ლითონის თათი ბეტონში მყარად ჩასამაგრებლად. ბოძზე დამონტაჟებული უნდა იყოს შუქამრეკლი ფირი. დამაგრება: მანიშნებელს უნდა გააჩნდეს შესაბამისი ზომის ხაშუთი და ალუმინის სამაგრი პროფილი ბოძზე დასამაგრებლად (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვრიტოს რომ წინა მხრიდან დიზაინი არ დაზიანდეს.) ნიმუშისთვის იხილეთ დანართი N3	2 ბოძზე დამაგრებული1 მანიშნებელი (სამმაგი)	2		
4	ოთხკუთხედი საორიენტაციო ნიშნული (მანიშნებლის ნიშნული და ზომები იხილეთ დანართი N4)	დაფა: დამზადებული უნდა იყოს არანაკლებ 1.5 მმ მოთუთიებული ნაგლინი ფოლადისგან . ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) . ბოძი - 3 მ სიგრძის გალვანიზირებული დგარი , D 60 მმ , ხუფით. მილის კედლის სისქე არანაკლებ 2მმ. ბოძს ძირზე უნდა გააჩნდეს ლითონის თათი ბეტონში მყარად ჩასამაგრებლად. ბოძზე დამონტაჟებული უნდა იყოს შუქამრეკლი ფირი. დამაგრება: მანიშნებელს უნდა გააჩნდეს შესაბამისი ზომის ხაშუთი და ალუმინის სამაგრი პროფილი ბოძზე დასამაგრებლად (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვრიტოს რომ წინა მხრიდან დიზაინი არ დაზიანდეს) ნიმუშისთვის იხილეთ დანართი N4	1 ბოძზე დამაგრებული 1 მანიშნებელი	4		
			1 ბოძზე დამაგრებული 2 მანიშნებელი	7		
			1 ბოძზე დამაგრებული 3 მანიშნებელი	1		
5	ოთხკუთხედი ორმხრივი საორიენტაციო ნიშნული (მანიშნებლის ნიშნული და ზომები იხილეთ დანართი N5)	დაფა: დამზადებული უნდა იყოს არანაკლებ 1.5 მმ მოთუთიებული ნაგლინი ფოლადისგან . ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) . არსებულ ბოძზე (3 მ სიგრძის გალვანიზირებული დგარი , D 60 მმ , ხუფით. მილის კედლის სისქე არანაკლებ 2მმ) დამაგრებული ძველი მანიშნებლების დემონტაჟი, (საჭიროების შემთხვევაში მაღალი ბოძის გადაჭრა) და ახალი მანიშნებლების/დაფის დამონტაჟება . ბოძზე დამონტაჟებული უნდა იყოს შუქამრეკლი ფირი. დამაგრება: მანიშნებელს უნდა გააჩნდეს შესაბამისი ზომის ხაშუთი და ალუმინის სამაგრი პროფილი ბოძზე მანიშნებლების დასამაგრებლად (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვრიტოს რომ წინა მხრიდან დიზაინი არ დაზიანდეს) ნიმუშისთვის იხილეთ დანართი N5	1 ბოძზე დამაგრებული 2 მანიშნებელი	1		
			1 ბოძზე დამაგრებული 4 მანიშნებელი	2		

6	საოჯახო სასტუმროს ნიშნული (მანიშნებლის ნიმუში და ზომები იხილეთ დანართი N6)	დაფა: დამზადებული უნდა იყოს არანაკლებ 1.5 მმ მოთუთიებული ნაგლინი ფოლადისგან .ყავისფერი და თეთრი ფერის საინჟინრო ხარისხის პრიზმული შუქამრეკლი არაკალით (ფირით) .	მხოლოდ დაფა	2		
		დამაგრება: მანიშნებელი მაგრდება ჭიშკარზე ან სახლზე . უნდა გააჩნდეს შესაბამისი ზომის სამაგრი ალუმინის პროფილი და ხამუთი. (დამაგრების მექანიზმი შემსყიდველთან შეთანხმებით, ნიშნული ისე უნდა გაიხვერიტოს რომ წინა მხრიდან დიზაინი არ დაზიანდეს.) ნიმუშისთვის იხილეთ დანართი N6	დაფა ბოძით	1		
	საერთო ღირებულება (ლარი)					

პრეტენდენტის ხელმოწერა _____

ბ.ა

თარიღი:

ინფორმაცია საქონლის მიწოდების და საგარანტიო ვადებისა და პირობების შესახებ

- 1) ბათუმისა და ქედის ნიშნულების მიწოდება განხორციელდება შემსყიდველის მიერ დიზაინის მიწოდებიდან 10 (ათი) კალენდარული დღის ვადაში, ხოლო დანარჩენი ნიშნულებისა დიზაინის მიწოდებიდან - 20 (ოცი) კალენდარული დღის ვადაში; მიწოდება განხორციელდება სატენდერო დოკუმენტაციით განსაზღვრული პირობების შესაბამისად. *
- 2) ექსპლოატაციის ნორმების დაცვის შემთხვევაში, ტურისტული ნიშნულებზე/დაფებზე მიმწოდებელი იძლევა გარანტიას, საგარანტიო ვადა შეადგენს მიღება-ჩაბარების აქტის გაფორმებიდან 2 (ორი) წელს, საგარანტიო პერიოდში არ უნდა გახუნდეს და არ უნდა გადავიდეს ნიშნულების საღებავი/ფერები, კონსტრუქცია უნდა იყოს მდგრადი, შენარჩუნდეს დიზაინის თავდაპირველი სახე სრულყოფილად, მათ შორის შუქამრეკლი არაკალის ხარისხი და ვიზუალური მხარე, აღნიშნული პერიოდის განმავლობაში მიმწოდებელი ვალდებულია შემსყიდველის მოთხოვნიდან, შეტყობინებაში მითითებულ ვადაში საკუთარი სახსრებით უზრუნველყოს დეფექტის/ ხარვეზის / ნაკლის აღმოფხვრა, ან მოწოდებული საქონელი შეცვალოს ახლით. საგარანტიო ვადა ძალაში რჩება ხელშეკრულების მოქმედების ვადის გასვლის შემდეგაც (მიღება-ჩაბარების აქტის გაფორმებიდან 2 წელი).

პრეტენდენტის ხელმოწერა _____

ბ.ა

- *საქონლის მოწოდების ვადა განსაზღვრულია სატენდერო დოკუმენტაციით.*